

juliana hies. ynd besessen was van
 dem duuel yn sprach. **Calixtus** god
 is eyn waerastighe god. ynd eyn le
 uendich god. ynd he is verstoert yn
 zornich vp vnser besmetzinghe yn
 onreynicheyt. **Sae** dit palmacijs
 herde. soe voijt he ouer dye **Tyber**
 zo der stadt vā rauennē zo **Calix**
tus. ynde he dede sich doeffen ynd
 syn wijsf. **Sae** der keyser dat hoer
 de. soe lies he yn halen. ynde leuer
 de yn **Simplicius** dem senatoir.
 vp dat he y gnudertierlich ynde
 vuntlich vermaenē solde. wāt he
 dem gemeynen guet seer nutzlich
 ynd profytlich was. **Ind** als pal
 macius diurende was in synē ge
 lede ynde in vasten. so quacm zo
 yn **Simplicius** ynd he louede
 ym. sonde he syn vrouwe die gich
 tich was gesont machen. soe wol
 de he y geloouen. **Ind** dae palma
 cius vur sy badt. soe wart sy ghe
 sont. ynde sy leiff zo **Palmacijs**
 ynde sprach. **Doef** mich in christus
 name der mich by mynre hāt nam.
 ynde zoech mich vp. **Sae** quacm
Calixtus ynde doeste sy myt **Sim**
plicius eyrem man. ynde myt veel
 anderen mynschen. **Sae** dat d key
 ser hoerde. soe dede he sy alle onthoef
 den dye gedoest warē. ynd he lies ca
 lixtus gevanghē leghe vunf daghe
 sonder essen in sond drincken. **Mer**
 dae he sach dat he stāstigher wart.
 soe dede he yn alle daghe mit koluen
 slaen. **In** daer nae so dede he ym ein
 stein aen binden. ind dede durch ein
 veynster in eynē puytz werpē. **Mer**
Asterius der priester nam syn lich
 aem vvs dem puytz. ynd begroeff yt
 in **Calipodius** kyrchoff.

**Die legend van sente
 lucas dem euangeli
 sten.**



Wras was
 vis der lantschafft vā
 Syrien van geboorte
 ynd van der stat van
 Antiochien. ynde eyn
 meyster van medicinen. **Ind** als
 ezlighe saghen. soe was he yn vā
 den. lxxij. jongheren. **Mer** vmb dat
Heronimus spricht dat he was der
 apostolen jongher. ynde nyet vns
 heren. ind als ouch die gloys spricht
 in dem. xxx. capitell des anderen
 boicks van der bibel. dat he y vnsen
 heren ihūs niet volghede. dae he y
 predichte. mer nae synre vpperstem
 tenisse waert he y bekeert. **Daer** vmb
 is besser zo gheloouen. dat he y niet

Exlij.

en was van den **lxvij**. jongherē. **D**e
se lucas was van soe groisser volke
menheyt ynde van also guedem le
uen. dat hey seer wail was ordiniert
zo gode. zo synem euen kerste myn
schen. ynde zo sich seluen. ynd zo sy
nem ampt. **I**nde dese vierueldighe
beschickung off ordinanci zo betzei
chen. soe werden ym vier aengesicht
zo gegeuen. dat is eyns mynschen
aengesicht. ynde eyns leuwen aen
gesicht. ynde eyns ossen. ynde eyns
aerns. **W**at eyn yghelich van desen
vier dierē hadde vier aengesicht als
ezechiel beschrijft. **I**n vp dat mē dat
deste besser verstaet. so laet vns setze
dat eyn dier sy dat eyn vierkant ho
eft haue. ghelijch als eyn vierkant
holtz. ynd laet vns mercken in yghel
licher syden van den vieren ein aen
gesichte. dat is eyns vur. ynde eyns
achter. ynde in beyden syde yghelich
eyns. **D**es mynsche aengesicht stōt
vur. zo der rechter siden des leuwen
aengesicht. ynde zo der lichter side
eyns kalffs aengesicht. ynde achter
des aerns aengesicht. **I**nd want des
aerns aengesicht ghinck bouen dye
anderē om dye lancckheyt des hals.
yñ daerom spricht mē dat des aerns
best van bouē was. **I**nd ein yghel
lich van desen vier dieren. hadde vi
er vederen. **W**ant om dat yghelich
dye viercant was. ynde in eynē vi
ercantē dynghe syn vier egghe. so
was vp yghelichē egghe eyn veder.
By dese vier dierē syn dye vier
euangelisten bezeichent. **I**nde wyē
wail eyn yghelich hadde vier aen
gesichte. **W**ant eyn yghelich schrijft
van christus mynscheyt. van synre
passe. ynde van synre vperstente
nisse. ynde ouch van synre godheyt

Mer nochtan so weirt eyn yghelich
aengesicht eynem yghelichen in jon
derheyt zo geschreuen als eynrehan
de eyghendom. als **heronimus** spr
icht. **M**atheus is bezeichent by de
mynschen. want hey schrijuet sonder
lynghe van der mynscheyt christi.
Inde **Lucas** der euangelist is be
zeichent by dem kalff. want hey be
schrijuet van christus priesterchaft.
In **Marcus** is beduet by dem leu
wen. want he schrijft cleerlicher vā
christus vperstentnisse. **W**ant als
men spricht. soe blyuen des leuwen
jonghen doit ligghe. bys vp den
derden dach. ynde vp den derde dach
soe werden sy verwecket durch dat
breeschen des leuues. **S**ent **Johan
nes** der is bezeichent by dem aerne.
Want als der aerne. hogher vlu
yche. dan alle ander voeghel die vp
deser eerden vā god geschaffen syt
alsus ouch **Johannes** der apostel
ynde euangelist is hogher ghevloec
ghen mit synem verstandt ynd ver
nuift. **W**ant sent johanes schreeff
hogher dan dye anderen van der
godheyt. **I**nde **Christus** daer aff sy
schriuen was ouch in ym seluer dese
vier. **W**ant hey was eyn mynsche
geboeren van der reyne jonstrou
wen **Maria**. **I**nde he was ein kalff
in dem offerbade synre passien. **I**n
de eyn leuwe in synre vperstente
nisse. **I**nde eyn aerne in synre v
vaert. **B**y desen vier aengesich
ten daer sente lucas by bezeichent
is. als ouch dye ander vier euange
listen. soe weirt bezeichent wyē hey
in den vier manieren was geordi
niert. **W**ant by des mynschen aen
gesicht soe verstaet men wie wail
dat hey geordiniert was zo synem

euen kersten mynschen. den hey myt
vernuft sall leeren. myt sanftmoe
dicheyt an sych zieken. ynd mit mil
dicheyt ynde vrymoedicheyt voede
Want der mynsch is eyn vernunft
rich dier. sanftmoedich yñ vrymoe
dich. **B**y des aerns aengesichte ver
stait me dat he wail geordniert was
zo gode. **W**ant dat oughe des ver
stands siet god durch dye beschou
winghe. in der snauel des verstands
weirt gescherpt durch dat bedencke
inde dat alder van den wercken we
irt af geworpe durch dye nuwe wan
deling. **W**at der arne is van schar
pen sien. soe dat he sonder pyne myt
syn oughen in dye sonne siet. ynde
als hey wonderlich hech bouen der
see vlieghe. nochtans siet hey dye
vischelgyn in der see. **I**nde als syn
snauel zo seer fromme is. vmb
dat hey yn niet hynderen sal in der
spijse zo nemen. soe stoest hey den af
vp eynem steyn. ynde allus soe we
irt he bequeme spijse daer mede zo
nemen. **A**ls he verkernt is van der
heitsden der sonnen. soe vluecht hey
haestelich in eyn ruyter. ynde daer
mede soe woerpt he af dat alder. yñ
verdrinet dye donckerheit va synen
oughe. ynde verlijcht syn vloeghe
len. **B**y dem aengesichte des leuwes
soe weirt getoent dat he wail ordi
niert was zo sich seluen. **W**ant hey
hadde edelheyt in der eerlichen wan
delinghe van gueden seede. **C**loick
heyt ynde wijsheyt in de dat he schus
wede die laighe der vyanden. **I**nde
lijdsamheyt in dem dat hey hadde
medelijden mit den droenighe. wat
der leuwe is eyn edel dier. want hey
is der loenynel van den dieren. **H**e

is cloick ynde vursichtich. want hey
deliget vissyn voestappen mit sy/
nem sterke als he vluct dat me yn
nyet vint. **H**ey is lijdende. want
he hait alzyt vp den vierden dach
dat febres. **B**y dem aengesichte des
kalfts off des offen verstaet me dat
hey wail geordniert was zo synem
ampt. dat was dat euangelium zo
schreuen. want hey beschryft dat ge
mechelich. want hey begonde va der
geboorte des vurloeffers. ynde van
christus gheboorte. ynde van synre
lyntheyt. ynde hey ginck also allen
zelen voert bys zo dem eynde van
christus leuen. **H**e begonde ouch be
scheydelich. want nae den anderen
zween euangelisten. vp dat hey dat
ghene dat sy achterliessen. dat he dat
vervullde. ynd dat sy genouchsam
lich ynde volcomelich gesecht had
den. dat hey dat vnderweghen liep.
Syn schrift is seer van dem tem
pelt ynde van den offerhande. als
wail schijnt in de beginsel syns ena
gelius. in dem middel ynde in dem
eynde. **W**at der osse is eyn lantgem
dier. ynde hey hait syn clauwen ge
deyle. ynde daer by versteyt me dye
bescheydenheyt der ghenre dye offer
re. **W**ye dat lucas in de vurgeno
empte dinghe geordniert gewest sy
dat mach men bais bekennē als me
dye ordenong syns leuis ouer loift
Zo de eyrste was he ordniert zo
god. **I**n die manierē weirt d myn
sche geordniert zo god als bernar
dus sprac als mit begeerte. mit ge
dancke. ynd mit d meyninghe. **D**ye
kegheerte sall gillich syn. **D**at ge
denken reyn. **I**nde dye meyninghe
recht. **S**ente **l**ucas der hadde eyn

hittich begheeren. want he was vol van dem heylighe gheyst. Hier aff schrijft Iheronimus in der vurrede vp syn euangelij ynde spricht. He starf in Bithimia vol van de heylighe gheyst. Tzo dem anderen soe hadde he eyn reyn gedencken. Wat he was jonffrouwe van lijff ynde van herten. ynd daer in merckt me reynicheyt des gedencken. Tzo dem derde hadde he ouch eyn rechte meynynghe. Want in all dat he yede soechte he gods eere. Vā desen twee leste spricht Iheronimus in der vurrede vp dat boich van der apostolen werck. He bleef in synre jonfferscheit sonder mysdaet. ynde dat is gesproken vp dye reynicheyt des herten. **Portan** spricht Iheronimus. Inde he y woude lieuer dem heren dienen. dat is gesproken vp dye recheicheyt der meynynghe. Tzo de anderen. soe was he wail ordiniert tzo synem enen kerste mynschen. In dan syn wyre geordiniert tzo vnsem enen kersten mynschen. als wyre ym wail doe dat wyre ym schuldich syn. **Richardus** van sente **Victoer** setze dye dinghe dye wyre schuldich syn vnsem enen kersten mynschen. dat is vnser vermoeghen. ym vnser wilsen. ynde vnser wille. ynde dat vierde mach me daer tzo doen. dat is vnser doe. **Wir** syn ym schuldich vnser vermoeghen in hulpe tzo doen. **Vnser** wilsen ynd rait tzo geuen. **Vnser** wilsen in begheerten. **Vnser** doen in dienste. In desen vier dinghe was sent **Lucas** wail geordiniert. Want he gaff eyrst syn enen kerste mynschen syn vermoeghen in hulpe. Inde dat is offenbair daer vyss. **Want** in allen bedroeffnyssen ynde

lyden. soe bleue he y sent **Paulus**. ynde he ontginck nyet van yem. ynde he was ym hulpe in synre predinghe. Inde daerom schrijft **Paulus** van ym in der ander epistel tzo **thimotheus** in dem anderen capitel ynde spricht alsus. **Lucas** is allein myt myr. In de dat he spricht mye myr. soe verstaet men. als eyn hulper ynde als eyn beschermer. ynde daer by merckt men. wye dat he ym hulpe gedaen hait. Ind in dem dat he spricht alleyn. soe merckt me dat he yem stantastichlich by stonde. Tzo dem anderen gaff he syn enen kersten mynschen syn wilsen in rait. Inde dan gaff he syn wilsen syn enen kersten mynschen in rait. **Daer** he schreeff dye leere der apostolen ynde der euangelien dye he wilsen tzo dem oerker ynde mitz syns enen kersten mynschen. Ind hyer aff ghyft he seluer getuychenisse in synre vurrede vp dat boich vā de wercken der apostolen dat he tzo **thophylus** schreef. **Wie** he ouch syn enen kersten mynschen syn wilsen ynd he kennen gaff. in rait tzo geuen. dat is offenbair in dem woirt dat sent **Iheronimus** spricht in der vurrede. wat syn woirde syn eyn medicijn d' trācken siele. Tzo de derde gaff he syn enen kersten mynschen in begheerten. Inde dat is offenbair daer vyss dat he yre eweliche selicheit begheerde. Inde daer af schrijft **Paulus** tzo den van **Colosen** in dem vierden capittel. **Lucas** der arzeder der ontbier vch selicheyt. dat is. vwer selicheyt begheert he. Tzo dem vierden mail. soe gaff he synem enen kersten mynschen syn doen in dienstastichheit. ynde dat selue merckt men. in dem. dat

he vnsen heren. dae hey meynde dat
hey eyn pyllgrim were. ontfinck in
syn kerberghe. ynd hey dede ym alle
dienste der lieffden. Want hey was
cleophas gefelle als ezlige sage dae
he ginc zo emaus. als ouch grego-
rius spucht. ydoch soe saghet Am-
brosius dat yt ein ander was des na-
men hey ouch schrijft. ¶ Tzo dem
derden was he wail geordiniert zo
sich seluen. Want Bernardus spr-
icht dat dize dinghe syn die ein myn-
schen wail ordineren zo sich seluen
yn yn hyllich maken. dat is sober
essen. rechtuerdighe werck. ynde eyn
guedertierlich synne of gevoelc. In
eyn yghelich van desen drien weirt
vortan in dize gedeylt. Da is dat es-
jen soberlich als wyr leuen. nyet o-
uervloedelich e. i. kuysschlich. gesel-
lichlich. ynde oitmoedelich. Dan is
dye dait off dat werck gerecht. als it
is gerecht. bescheyden. ynde vrucht-
berlich off profytlich. Dat werck sal
syn gerecht durch ein guede meynin-
ghe. ynde bescheyden durch dye mees-
sicheyt. ynde vruchtberlich off pro-
fytlich durch stichtinghe ynde besse-
rynghe. Dan is vnser synne of ge-
voelc guedertierlich. als vnse geloe-
ue voelt ynde bevint dat god boue
all mechtich is. boue all wijs is. yn
bouen all guet. Soe dat wyr geloe-
uen dat vnser crancheyt weirt ghe-
holpen durch syn moegenheyt. ynde
dat wyr geloenen dat vnser onwis-
senheyt weirt gestraift ynde vnder-
weisen durch syn wijsheyt. yn durch
syn guetheyt weirt vyss gedeliqhet
vnser quaetheyt. Sit schrijft bern-
ardus In alle desen dinghen was
Lucas wail geordiniert. Eerst soe
was syn lijffzocht off kost sober. yn

dat in dize manier. Want he leue-
de kuysschlich. Want als sent ihero-
nimus van ym schrijft in der vur-
rede vp syn euangelie. soe hadde lu-
cas nye huystrouwe of kyndere. Zo
dem anderen mail. soe leeft he gesel-
lichlich. ynde dat merckt men in de
soe gesprochen weirt van ym yn va
Cleophas. nae der vurgenoemprē
meynynghe sent Gregorius in dem
lesten capitell van synē euangelie.
Twee van den jongherē ihesu gin-
ghen in dem daghe. want gesellich-
eyt merckt mē daer in. soe mē spucht
twee. Zo dem derden mail. soe was
hey oitmoedich zo synem euen ker-
sten mynschen. ynde dese oitmoedi-
cheit merckt mē daer in. dat he syns
gesellen name schreeff. ynde sweech
synen namen. Want als ezlighe sa-
ghen. soe sweech hey synen namen
van oitmoedicheyt. Tzo dem ander-
ren mail. soe hadde he rechtuerdige
werck. yn dat selue wercke was recht
durch dye meynynghe. ynde beschei-
den durch maissicheyt. Inde daer-
vm is hey gerzoent worden in ghe-
lijchenisse eyns offen. der syn clawe
deylt. In daer by is beduyt beschey-
denheyt. Hey was vruchtber ynde
profytlich durch stichtinghe. Wat
hey was synem euen kersten myn-
schen soe profytlich. dat sy yn alle
lieff hadden. Ind daervm noempt
yn sent Paulus zo den van Colo-
sosen in dem vierde capitell den al-
reliefsten als hey spricht. Och gru-
yzet Lucas der arteder myn al-
reliefste. Tzo dem derden mail. soe
hadde he eyn gueden begriep yn ge-
voelc. wat he gloenet in hait bekēt in
synē euangelie. dat got is boue al me-
chtich. boue al wijs. in boue al guet.

Van den tweent eyersten sprich: hey in dem. iij. capitel. Sy verwonderden sich in synre leringhe. Wat syn reden was in macht. Van de derden spricht he in dem. viij. capitel. Nie mant en is guet sonder god alkeyn.

Tzo dem vierden. soe was hey wail geordiniert zo synē ampt. dat was dat euangelium zo beschriuen. In dem was offensbair dat he geordiniert was. wāt syn euāgelie weire genesticht ynde gestercket myt veel waerheyt. yñ veruult mit veel nutrichheit ynde verziert mit veel schoenheit. ynde yt weijrt beweert myt veel persoē wairastighem getzuychenisse. **T**zo de eyersten so weijrt syn euangelium genestighet mit veel wairheyden. Dye waerheyt is drier hande. dat is van leuen. van gerechticheyt. ynde van leerynghe. Dye waerheyt des leuē is. dat hande yñ zonghe ghelijch syn. Dye waerheit der gerechticheyt is dat dye sentēcie ynde dye sacht ghelijch syn. Dye waerheyt der leringhe is. dat dat dinck ynde dat verstantenisse daer af ghelijch syn. **M**it desen drie waerheyde is syn euangelium genestighet. wāt in synē euangelie weirt dese drierhāde waerheyt geleert. **W**ant Lucas zoent dat christus dese drie waerheyden in sich hadde. ynd dat he sy dat volck leerde. **D**at **C**hristus dese drie waerheyde in sich hadde. dat zoent hey durch dat ghetzuychenisse synre wederpart. als hey schrijft in de. xx. capitell. **M**eyster wyr wyssen dat du rechte sprichs ynde leerst. **S**uch dat getzuychenisse vā der waerheyt der leere. **I**nde du neemste gheynt persoē vyl. **S**uch dat getzuychenisse van der waerheyt der gerechticheyt.

Inde du leerste gods wech in der waerheyt. **S**uch dat getzuychenisse van der waerheyt des leuē. **W**ant eyn guet leuen heyst d wech gods. **T**zo dem anderen. soe zoent he in synem euangelium dat christus dese drie waerheidē geleert hait. wāt eyrst leert hey daer dye waerheit des leuē. ynde dye is geleghen in hal dynghe der geboder gods. ynd daer aff spricht hey in dem. v. capitel. **D**is sals lieft hain dyn heren dynē god. **S**ue dat ynde du sals leuen. **I**tem in de. viij. capitel. dae vraghet eynre. **M**eister wat salk ich doen dat ich dat ewighe leuen besitzgen moeghe. **I**nde daer nae volghet. **K**enst du dye gebode. **D**u en sals nyemāt doen. **T**zo dem anderen leert hey die waerheyt der leeringhe. **I**nde daer vrn sprach hey zo ezlighen dye dese leerynghe verkeerden in dem. xi. capitell. **W**ee vch phariseen dye dae predighen dat men soel geuen den zienden van der myntze. ynde van der wijnruyten. ynde van alrehande coel. **T**zo dem derde leert he dye waerheyt der gerechticheyt. **I**nd daer aff schrijft hey in dem. xx. capitell. **G**euēt de keyser dat des keyser is. ynde god dat god is. **I**tem in de viij. capitel dair he spricht vā de iōgste dach. daer he de quade saget. **G**aet vā myr alle die quait hait gedaē. **T**zo de andere. so is syn euangelium veruult mit veel nutrichheit. wāt hey der dit euangelium schreeff was eyn artzeder. **V**m zo bezeichnen dat he vns also nutzlich medicijn geschencket hait. **I**nd dye medicijn is drierhande. dat is heylsame medicijn. ynd medicijn dye verbesserē is. yñ dye onthaldē in verwarende is.

Inde **lucas** der goent vns in synē euangelii. dat der hemelsche artzter vns dese drij medicijn hat geschencker. **D**ye heilsame medicijn is. dye vnser krankheyt heilet ynd gesont macher. **I**nd dit is penitencie. die alle gheystliche krankheyt gesont macher. **D**at vns dese medicijn der hemelsche artzeder ghegeuen haue dat goent he vns als he spricht in synē vierde capitel. **I**ch ben come gesont zo machen dye berouwinghe vā herze ynd zo predighe den geranghe verloefinghe. **I**tem in dem. v. capitel. **I**ch ben nyet gekomen zo roysen dye rechtuerdighe. mer dye sunder. **D**ie medicijn dye verbeteren is. is dye. dye gesontheyt rei meert. **I**nde dit is dye behaldinghe van den raden in dem hyllighen euangelie. **W**at dye rade machen ein mynschen besser ynd volkomener. **D**ese medicijn goent he vns gegueuen vā xpūs. als he spricht in dem. xvij. capitel. **A**l dat du haist dat verkoeff. ynd ghiff yt den armen. **D**ie medicijn dye onthalt. is dye. dye vns verwaert van dem valke. **I**nde dat is dat schurwen ynde dat verbeden van den sachen sunden zo doen. ynd van quaedē geselschafft. **D**ese medicijn goent he vns geschencker vā dem artzeder. **d**ae hey spricht in dem xij. capitel. **V**erwaert vch van de deissen der phariseen. **I**nd dae leert he ouch dat men quaedē geselschaffe schurwen sall. **O**ff. men mach saghe dat syn euangelium vervult is mit veel oerberheit ynd nutzicheyt. **w**at daer in is begreiffen dye doechde alre wijsheyt. **I**nd daer aff spricht ambrosius. **L**ucas begreiff in synem euangelio alle doechden der wijsheyt

Want he leert natuerliche dinghe. **d**ae he offenbairt dat vns herē geboerte van dem hyllighen gheyste geschiet is. **I**nde alsus leerde **S**and ouch dye natuerliche wijsheit. **d**ae he sprach. **S**eynde vyl dync gheyst ind sy sulken werden gheschaffen. **I**tem dae hey leerde ouch natuerliche dinghe. **d**ae he schreeff. dat in xpūs vns herē passie dye duysternisse ouer dat ganze eertrich quacm. ynd dat dye eerde beuede. ynde dat dye sonne yestralen aff zoeh. **H**e leerde seideliche dinghe. **d**ae he in den acht selich eyden leerde seeden. **H**ey leerde vernunfftighe dinghe. **d**ae hey sprach. **D**er in dem minsten getrouwe is. **d**er is ouch in dem groysen getrouwe. **S**onder dese drij wijsheyden en mach der gelooue. ind dye heimliche bezeikenisse der driuelicheyt niet syn. dat is. natuerlich wijsheit. vernunfflich ynd seidelich. **D**it schryft **A**mbrosius. **I**n zo de derde weijrt sent lucas euangelii verziert myt veel schoenheyt ind suuerheit. **w**ant dye manier van woirden ynd van spreken is seer schoen ynde zierlich. **I**n zo dem dat yemant halde in syn woirdē mynlicheyt ynd schoenheyt daer zo syn drie dinghe behoerlich als **A**ugustinus spricht. **D**at is dat he behaghe. ynd verstenlich sy inde beweghe. **O**p dat he behaghe. so sall he verzierlich spreken. **D**at he verstenlich sy. soe sal he spreken offentbairlich. **I**nde dat he beweghe ynde vermaene. soe sall hey spreken myt vuyrigheer begheerte. **D**ese drij manieren hadde sent lucas in prediche ynd in schrijuen. **V**an den eyersten zween spricht **P**aulus in der ander epistel zo de vā **C**orinthien in dem

vij capitel **W**yr hain gesendet mit ym eyn broeder. yn dat was als die glose spricht. **L**ucas off barnabas. welches broeders loff ynd prijs in de euangelie is durch alle dye kyrchen. In dem dat he spricht welches loff ynd prijs. so versteijt men dat he gesproken hait zierlich. in dem dat he spricht durch alle kyrchen. so merckt men dat he hait gesproken offebairlich. Dat he gesproche haue mit eynre vuyrtigher begberten. dat is offenbair dair vyss. **W**ant he hadde eyn bernede hertz. als he selfs spricht in dem euangelie. **E**n was vnser hertz in vns niet bernede. **T**zo dem vierden so is syn euangelie beweert mit veel persoen wairafftighe ghesuychemisse. jae it is van veelen beweert. **W**ant it is va dem vader zo vorrens gheordiniert geweest. inde daer aff spricht iheremias in de xxj. capitel. **S**iet dye daghen sulken komen spricht der here. ynd ich sall eyn nuwe verbunt mache mit dem huse va isracl ind mit dem huse va juda. niet nae de vorwarde off ouerdrach dat ich mit eyren vaderen dede. mer dat sal syn dat ouerdrach dat ich doen sal mit dem huys van isracl. **N**ae den daghen spricht der here soe sal ich geuen myn geset in yr hertz. **N**ae der litter soe spricht dye prophetie va der leringhe des euangelien. **T**zo dem anderen soe is syn euangelium beweert va dem soene wat ser lucas euangelium an de xxj. capitel is geschreue. **H**emel ind eerde sulken vergaen. mer myn woirde en sulken niet vergaen. **T**zo dem deerden soe is syn euangelium in geueen van dem hillighen gheist. In dair aff spricht iheronimus in der

vuerede vp sent **L**ucas euangelium. **O**uermits ingeuynghen ynd inblaysing des hillighen gheists schreest he syn euangelium in dem lant achaja. **T**zo dem vierden soe is it zo vorrens berzeicht van den engelen. **W**ant it was vuyrtigher va dem enghel van dem gheschreuen is in den boich van der heimlichen of senbairing in dem viij. capitel. ich sach eyn enghel vliegghen midden durch den hemel. d' dat ewighe euangelium hadde. **D**it euangelium heist ewich. **W**ant it is van dem ewighen geueen dat is christus. yn it spricht va de ewighe dat is christus. yn it sall ewelich dure. **T**zo de vuyrtste is dit euangelium zo voren prophetiert van den propheten. **W**ant ezechiel vuyrt sechde dit euangelium. daer he sprach dat cyns va den dieren hadde cyns kals aengesichte. in daer bi is lucas euangelie berzeicht als vuyrt gesechde is. inde ouch daer he spricht in de. ij. capitel dat he sach eyn boich dat binnen ynde bussen gheschreuen was. ynd daer waren in geschreuen schrynghe. ynd lyeder ynde wee. **B**y dessem boich verstaet men lucas euangelium want dat is binnen geschreuen durch dye verborgenheit der heimlicher gheistlicher dinghen. ind bussen durch dat vp daen der historien. **I**nd dair in is ouch begreiffen dye schrynghe des lyden christi. dat lyet van der op verstantnisse. ind dat we van der ewelicher verdoemnisse. als men sien mach in de. xj. capitel. daer veel we geschreuen syn. **T**zo dem seften soe is syn euangelium geaeffener ynd ontlossen van vnser lieuer vrouwe. **W**at dye selighe ionffrouwe **M**aria be/

hyelt alle dye dinghe in eyrem her /
zen ynd sy vergadert vlyssich dat
sy hoerde. als lucas schrijft in dem
ij. capitel. Op dat sy dat naemais
den schrueren saghe mochte als dye
gloiff daer vp spricht. Alle dat sy be
kende van dem heren. off dat der he
re gheraden off ghesproken hadde.
dat behielt sy in yr gedechtnisse. vp
dat sy solde alle dinghe genochsam
lich moeghen berichten. als sy ghe
schiet waren. dye ghene dye sy vragē
solden als dye zijt queeme dat mē
schriue off predighe soldevā cristus
geboerte. In daer vm dae **Bernar
dus** schrijft dye sache wau vm dat
der engel verkundichte vnser vrou
wen dat **Elizabeth** ontfangen had
de. soe spricht he alsus. Daer vm
wart **Marien** verkundicht dat **El
zabeth** ontfanghen hadde vp dat
als yr nu geborschaft weire dye zo
kompt des verlossers. nu dye zo
kompt des vurloeffers. dat sy alsus
behielt. dye zijt ynde dye ordinan
ci van desen dinghen. ynde dat sy
daer nae deste besser ghesagen kon
de dye waerheyt des euangelie den
schrueren ynde den predigheren. die
zo vorren van beghinne van dem
enghel was volcomelich geleert vā
allen heimlicheiden. Wāt it is guet
lich zo geloeuen. dat dye euangeli
sten sy van veel sachen vracchen.
ynd sy sechde yn dat volcomelich.
Ind sonderlinge soe gbeloest mē
dat van **Sent Lucas**. dat he zo yr
hadde cyn zo vlucht als zo der ar
den des testaments. ynd he is van
yr geleert in sunderlichen puntē als
van den dinghen dye sy alleyne wi
ste. als van der borschaft des egels
ynd wie dat **christus** geboere wart.

yn des gelijche yn hier aff beschrijff
he alleyne. **T**zo dem senende ro
dit euangelium verkundicht van den
apostolen. Wāt vm dat lucas niet
en was bi alken wercken ind mira
culē die cristus dede. daer vm schrijft
he syn euāgelium nae dem als ym dye
apostole sechden die tegenwoordich
gheweest hadden. als he selfs zo ke
nen ghijft in synre vurrede. spreche
de alsus. Als vns dye gesecht hanē
dye it van beghinne gesien hauen.
Ind daer vm als in zwoerkey ma
nier getzuyghenisse is. als van den
dinghen dye men gesien hait yn vā
den dinghen dye men geboert hait.
Soe woude vnse here als **Augu
stinus** spricht zwoe getzuyghē hain
dye syn miracel gesien hadden. als
sent **Matheus**. inde **johannes**. ynde
zwoe dye it geboert haddē. als sent
Marcus ind sent **Lucas**. Ind vm
dat dat getzuyghenisse van dem dat
men gesien hait. vaster inde sickerer
is. dan dat ghene dat men geboert
hait. daer vm als **augustinus** spricht
soe staen sent **matheus** euāgelium
ynd sent **johannes** euāgelium die
christus wercken gesien hain bussen
ind sent **Marcus** ynde sent **Lucas**
euāgelium stain tuschen dye **christus**
werckē van dē anderē geboert hain.
vp dat dese zwoe middelsten als die
swachen. gestercker ynd genestigher
werden van den dye bussen staen.
Tzo dem achten soe is sent **Lu
cas** euāgelium wonderlich gepre
sen van **Sent Paulus**. Want daer
mede hait he syn euāgelium wun
derlich seer bestedigher ind beweert.
dae he **Sent Lucas** euāgelium
aen zoech vm syn woirt daer mede
zo bestedighen inde zo vestighen.

Ind daer aff sprichte iheronimus in
de boeck van de doirlichichten man
nen Ezliche meinen dat wanneer
paulus schrijft in syn epistole. na
mynem euangelie. dat he dat van
sent Lucas euangelii neme. He
bestediche ouch wonderlich syn eu
gelium dae he schrijft in der ander
epistel zo de vā corinthien in dem
viiij. capitel. Welkes loff is in di
euangelie durch alle dye kyrch.

Eyn exempel.::

MEn leest in der historie vā
antiochien. dae dye kerste
dye zo antiochien waren
eyn schendlich ind eyn sundich le
uen leydeden. Soe worden sy be
leyt van dem turcken. inde worden
jemerlich gepinicht van hongher
ynd van dorste. Mer dae sy sich vol
komelich bekeert hadden zo dem he
ren durch penitencie. soe offenbairde
sich eynem man in vnser vrouwert
kyrch als he wachede. eyn mā in wijs
sen ekeyderen. Inde dae he vraghe
de yn weer dat he weer. so antworde he
dat he sent Lucas were. der van
antiochien queem. daer vnse here
vergadert hadde dye ritterschafft
des hemels dye apostolen. ynde dye
merteler dat sy vechten solden vur
syn piligrim. Inde alsus vermois
dichten sich dye kersten yn veriaaghe
den dat heer van den gauden tur
cken.

Dye legende van den eilff dulent ionfferen

ind merteleren.::



Die xi. dulent
jonfferen worden al
sus gemarteliet. In
Britanië was eyn ker
sten koninck. der No
rthus. off Maurus hies ynd dye had
de eyn dochter ynde dye was geno
noempt Vesula. Dese Vesula blem
ckende van eersamheyt der seeden.
van wijsheit. ynde van schoenheyt.
Ind der koninck van engelande der
ker mechtich was ynde hadde veel
riech vnder sich ghewonnen. dae he
hoerde dat gerucht van deser jonf
frouwen. soe meinde he. dat he mit
allen selich were. weer it sach dat he
synen eyn gheboeren soem aen dese
dochter bestaden mochte. Inde syn
soe hadde ouch hier zo grois beghe
te. Inde daer vm seynde he groys
eersamlich boeden vyss zo dem va
der deser jonfferen Ind als dese ker
liche boden komen ware zo den va